

# Covid 19 mishkiki weshkinigidjig mamowi abinodjishik odja

Kawin ihi kegon, miwedi keh minosek agwa kidja akozitc kinijanish koni kiwah megwatc covid 19 mosemigik mamowi kodigin akozowin nan. Megwatc maneh awik kagi minaginitc Covid-19 mishkikini Ontario ka tiniziyatc, nigi kendananan eh ayamin maneh kidja gwedehwin wedi mishkiki odja abinodjishik (5 nash 11 ka tisoboneziyatc odja) mamowi weshkinigidjig (12 nash 17 ka tisobonehziyatc odja). Wedi kan tah gwedehnanok kiga widokagon.



## 1. Anek dish mankatc nijanish kidja odapinik weni covid -19 mishkikini?

Kinoweh notc kido ojitowan kidja nangakwamotc covid 19 akoziwini, mamowi kodik ka segendagok akozowin, actic agwa kidja kibamowaginiwatc kidja kinamagoziwatc, mamowi agwa kodik awik oshmesh kidja akozitc. Kiwidokowak acitc kodigik agwa kidja akoziyatc, tapishkotc ka nanoboneziwatc, agwa mishi ka kishka pidikagoniyatc, konigeh goth ka ketewatc

## 2. An minigik nash ke pabitanon nijn nash kidja pidikowaginitc weni covid 19 mishkikini?

Abinodjishik 5 nash 11 ka tisoboneziyatc minaginiyok Pfizer covid 19 mishkikini ka ijankadenik, weshkinigidjig dish win 12 nash 17 ka tisoboneziyatc Pfizer covid 19 ijinkadehni kehwinwah ke minaginiyatc kidja pidikowaginiyatc, kidja mishkwezimiginik agwa kidja nodjibidok akozowini, yendik National Advisory Committee mizinigan kinendasinik ka ijinkazoyatc (NACI) [ikadok kidja pabitanon 8 week](#) minigik, apitc ishkwa pidikagowin pejik. Ogindinjanawah kinoweh kinesh pabitanon apitc pejik ishkwa odapinimin

kinoweh kinesh acitc kida minosek eh odimtamigik.

## 3. Aji nah ki gweshtcigade wedi mishkiki covid 19 ka ijinkadek abinodjishik mamowi weshkinigidjig odja. Adi keh odja kendaman ashkwen agwa kegon kidji inapiniyan.

Kitchi mishkikinik Health Canada ka ijinkazowatc odianawa ka mawodja ishpizimiginik eh ija ojatowatc omishkimwa, acitc winwa eta ozogendanawa agwa awin kidja akozinjin oshmesh, minoseni, actic ogipiyodonawa odimitawinwa weni mishkikini odja Apitc ishkwa kozabidimowatc keh ija minosenik weni mishkikini, Health Canada ishkwiyak odian kidja ikiditc Covid 19 mishkikini kidja minosenik kidja migadimowatc weni covid 19 akozowini ka mosemigini abinodjig mamowi weshkinigidjig odja

Abinodjishik ka 5 noboneziyatc nash 11 odja, Health Canada ogi ojitanawa kidja pigidinigenik nijn nash kidja pidikowaginindjin abinodjishin odja Pfizer ijinkadeh, kawin wedi ija mishkwezimigisnon ozam abinodjish weni odja, kan tapishkot 12 oshmesh ka

tisoboneziyatc odja.

Nogom wedi, 5 nash 11 ka tisoboneziyatc pastineh kak minaginiyok abinodjish odja Pfizer mishkiki, kawin oga kendisinawah ashkwen awin wikat kegon kidja ki ijisendjin.

**4. Tebwe nah covid 19 wedi mishkiki, kan ija mishkwizimigisnon abinodishik mamowi weshkinigijik odja.**

Abinodjishik dish mamowi weshkinigijik ka akozigotc weni covid 19 mishkikini, pigi eta obidjimitctonawa, nanda anish tedigo akoziyok, panima akozimigwamik panima ijawok, koni ICU wewenda ka ija kinendagoziyatc koni nanda niboyok. Nanda awik kinesh kida akoziyok (i.e kinesh oga ayan covid 19, koni covid 19 inapinehwin).

Wedi covid 19 mishkiki oga widokagon kinijanish kidja migadik akozowini ishpin ki nodjibidok acitc kan kitcha onah ogakozigosin. Kan neta kida nangakwegemigisnon wedi covid 19 mishkiki kinijanish odja , anish kawin minigik kida ija obwebidemigisini weni akozowini megwatc dish eh kinamagozinanonik, koni kidja obwesinik ka ija tijikewatc, koni owitckiyekak.

**5. Oga ayanawana abinodjishik 5 nash 11 ka tisoboneziyatc pejigon minigik covid 19 mishkikini kodigik dish awik ka minowaginiwatc**

Kawin, abinodjishik 5 nash 11 ka tisoboneziyatc Pfizer mishkikini winwa odja kagi ojitimowaginiwatc, kan pejigon ija mishkwezimigisini minigik dish 12 oshmesh ka tisoboneziwatc odja, nijin nash notc odja ishpamigini actic 8 weeks winwa panima ija minaginiyok.

**6. Aji nah kinda kendjigadeh anesetc win abinodjic covid 19 kagi odapinik?**

Wedi kagi minogowin covid 19 mishkiki, kinowe kawin kegon kiga ijasesin ishpin odja ana akozowin koni kegon odja inimidjiyowin. Nidjibidowin wedi covid 19 akozowin, kinoweh kinesh kiga nisidjimitcton kinesh kidja akozowin, ketehyak odja notc, mamowi gotc abinodjishik, mi-eh odja kotendagok kidja

pidikagowin wedi mishkiki teshigotc.

**7. Myocarditis mamowi pericarditis ka ijinkadek, odiyanawa no-weni kewin weshkinigijik?**

Kawin tebwe weni maneh awik oda ija nodjibidosin myocarditis ka ijinkadenik (awik ka pakishik oh-deh kak)mamowi percarditis (ka pakishik wakayi oh-deh kak) apitc kendagozitc ki pidikowaginitc. Kinowe notc ininiyok 18 nash 30 ka ayamowatc onodjibidonawa apitc nijin nach ishkwawidikowaginiwatc, kawin tebwe kitcha wisigendisiyok actic wibitc minomadiziyok.

Myocarditis/percarditis mamowi covid 19 mARNA mishkiki ka ijinkadek, kawin wedi tebwe nakosinon awik kidja kitcha akozigotc (AEFI) dish win, ankonotimagemigin Canadian Immunization Guide ka ijinkadek, 0.01 per cent ka ikidowatc agwa minigik eh tisik 0.1 per cent dish minigik. Myocarditis mamowi pericarditis notc nagon apitc covid 19 ana akoziwin keh dish ishkwawidikagowin covid 19 mishkiki.

National Advisory Committee ka ijinkazowatc, ka kijigabidimowatc Immunization akozi mizinigani (NACI) onidendanawa gotc misowatc kidja pidikodizinanonik mRNA covid 19 mishkiki ka ijinkadenik kina awik odja ka 5 nanoboneziwatc acitc oshmesh , megwatc wedi eh-minosek agwa kidja nodjibidowin wedi akozowin covid 19 akozowin ( agwa akozimigwamik kidja ijawin mankatc, koni nibowin) NACI kido kidja pabitowin 8 weeks minigik nash apitc ishkwawidikagowin yedi pejik covid 19 mishkiki. Agwa kidja ayamin yedi myocarditis koni pericarditis akozowin ka ijinkadek.

**8. An keh inamidjiyotc weni nijanish odja?**

Pepkan awesh kida kishki ijawok abinodjishik odja kidja pidikowaginiyatc weni covid 19 mishkikini odja, 5 nash 11 ka tisoboneziyatc odja, abinodjishik eta odja. Kida ojitigadeni kidja minobiwatc koni kidja kishka odiminowatc abinodjishik, agwa keh ija kijiwenik koni agwa ozam onah kidja kijiwaskonenik, kidja ojitcigadenik eh ija pakisiganik winwa gotc eta odja, abinodjish

mamowi ka kinenamagodjin, agwa kidja kotadjiyatc apitc pidikowaginiyatc.

Ahi dish citc, peshotc kida gwe atcigadeni ka ija kinamagoziyatc, agwa wasik kidja inendimowatc eh ijijonaginiwatc apitc pidikowaginiyatc weni mishkikini. Panima eta kishkwa kinamagoziwatc kida kishki ijawok ima (eh onakishik koni ishkwa odimta kijigik).

Tcojok koni tadak koni agwendik gots kijodosini abinodjishin 5 nash 11 ka tisobonezindjin odja, keh todimiyek tish, panima kiga ojibiyen eh pigidinitc kinijanish kidja pidikowaginitc weni mishkikini.

#### **9. Kegon nah kida inamidjiyo nijanish koni kegoni kida odji ijiseh.**

Tapishkot kodigin mishkikin, koni gotc pigi ogodja pidjimitcton kidja akozimidjiyotc anish kawin kinesh oga ayogodin, wenibik eta apitc isjkwa pidikowaginitc. Keh pidjimitctok weni, miwedi keh mah mishkwizimigitok ohwiyo tcetc odja kidja shagotctok covid 19 akozowin, ishkwa pidikowaginitc. Keh pidjimitctowin notc, kiga miskozinan pigi koni kiga pakshinan kinik kak keh ija pidikagowin, koni kiga winiba, kiga akozinkeh, kiga tiyokwe koni kiga kijizowapineh.

Ishpin kegon kendimin inapinetc kinijanish koni agwa nash minomadizitc, kinosh koki kimishkinim kagi ndowamitc.

#### **10. An keh todik nijanish ishpin inamidjiyotc koni ijasetc apitc ishkwa pidikowaginitc.**

Kegon eh tikak aton kagi ija pidikagowin, kawin dish kiga wisigendasin koni kan kiga pakshisin Ishpin anish ndendimin, kinosh kimiskinim ishpin ndendamin mishkiki agwa kidja wisigendamin koni ishpin kijizowapinewin. Kawin inendaken kidja odapinimin kodik mishkiki agamshi dish pidikagowin, kawin ihi kida minosesinon

#### **11. Kawin nah ogonajiksin kidja miyonasitc nijanish odi nigan ishpin odapinik weni covid 19 mishkikini.**

Covid 19 mishkiki, kawin weni awik odonadjiksin kidja kishka ayawadjin abinodjishin odi nigan.

#### **12. Kawin nah oga nodjibidosin nijanish kidja akoziyotc weni covid 19 mishkikini.**

Kegon awik kitcha ijisetc ishkwa pidikowaginitc weni covid 19 mishkikini, tigoni mishkikini keh widokagotc. Kidja minosek wewenda, kina awik 15 minutes minigik kijigamagini ashkwen kegon kidja ijasetc.

Ishpik kegon ijasetc kinijanish kisagamin ishkwa pidikowaginitc dish, teshigotc ijan akozimigwamik koni kinosh 911 mishkikinik. Ishpin kegon ijasetc tapishkot pownehtowin kidja nehsehwin, koni pakishin kishtigwan kak koni kigitckwa kak.

Ishpin kipi akozigotc odi ishkweyak kinijanish mishkikini, widimo kimishkikinim agwamishi pidikowaginitc.

#### **13. Ogayanawa nah abinodjishik mizinigini eh ikadomiginik eh-gj minaginiwatc weni kidja pidikowaginiyatc mishkikini.**

Tebwe. Mizinigan eh mizinadek QR code kida minaginiyok abinodjishik 5 nash 11 ka tisoboneziyatc, kidja nagonik ehgi pidikowaginiyatc covid 19 mishkikini.

Anish, kan win inendagozisiyok kidja wabidigeyat oh-miziniginiwa mankatc awesh ehgi pidikowaginiyatc dish Ontario kak nekenah. Anish pikan koni awesh kewin todjigadeh.

#### **14. Adi keh ijandakendiman wedi notc?**

Kijigwabidan [Ontario.ca/covidvaccinekids](https://ontario.ca/covidvaccinekids) ishpin kinoweh kiyabitc windikendamin covid 19 abinodjishik odja.

Ayah actic kida kishki kinonah Provincial Vaccine Contact Center ka ijinkazowatc, kidja kagwedjimitc notc ka kendik mishkikinik, animitagozin omah 1-833-943-3900 (TTY awik odja agwa ka ozitetc, koni agwa kan tawetc: 1-866-797-0007), 300 minigik ijagijeyok imah, nijawasi kijigik minigik actic 8:00 am nash 8:00 pm shesin.

Actic dish, kida kishka ndeshimah Sickkids Covid 19 Consult Service ka ijinkazowatc mishkikinik, abinodjishin ka kijigamawindjin, Sickkids abinodjish mishkikini kida mikowemah omah [sickkids.ca/vaccineconsult](https://sickkids.ca/vaccineconsult), koni animitagozin oma 1-888-304-6558. Maneh odianawa ijigijehwini kidja kishka widokagowin kidja nisistamowin.